

Aght 9 Eaoch, Marrooder, Bing, Olaf, Feeagh

Coolrey: Cashtal Purt ny hInshey

Bing shooyl stiagh dy moal as dy stoamey lesh ny caairyn oc, t'ad fuirraghtyn nyn shassoo rish Ree Olaf as Feeagh. T'ad soie sheese as ta Eaoch cuirrit stiagh

Ree Olaf: Eaoch Ard Chorraa, vel red erbee t'ou gearree gra?

Eaoch: Ram reddyn. Cha nel ny loghlinee agh posteryn. Ta shiu reill trooid aggle. Ta shiu lhiggey mygeayrt y theihll ayns aght baggyrtagh, smooinghtyn dy vel shiu cho yindyssagh agh mannagh vel shiu gynsaghey yn aght dy chur arrym da pobble elley, cha bee shiu rieu ec shee!

Ree Olaf: hmmm, wahll fockleyn creeney... c'raad t'an marrooder?

Tooilley dollanyn son cosheaght y marrooder

Marrooder: Vel shiu aarlo?

Ree Olaf: Kiart dy liooar. Erm wahll, Eaoch vel oo foast soiet er aght dty vaase?

Eaoch: Gyn ourys erbee!

Arrane- t'eh traa goll thie lesh dollan

Ta Eaoch cur e chione er glioon Ree Olaf, ta Macabuinn cuirrit da'n marroodeyr as t'ee troggal eh seose

Ada: Scuirr shiu! Olaf veen, cur foayr dou. B'vie lhiam coodaghey yn glioon Reeoil lesh y vreshag shoh....

Ree Olaf: Cre'n ommijys ta shoh?

Feeagh: Tra ta Ada cur coyrl dhyt, t'eh feeu geaishtagh.....

Ree Olaf: Aaahh,

Ada: Eaoch- gleash dty chione, dooinney boght, cha noddym cooney lhiat .
Cha nel shoh cooie da paitchyn

Ta ny buitchyn follaghey Ree Olaf as Eaoch. Ta'n marrooder cur sheese y cliwe, ta Eaoch tuitym er brelleein, magh ass shilley as ta Melnir as Fiotra lappay eh dy tappee, ta Ree Olaf lheimmey seose, seiy ny buitchyn cooyl

Ree Olaf: Ta foast lurgaghyn aym! Ren y cliwe falleil!

Ta'n bing shassoo

ARRANE: Dobberan son Macabuinn

Macabuïn, Macabuïn, v'eh yn cliwe s'niartal
Macabuïn, Macabuïn, v'eh yn cliwe s'poaral
Macabuïn, Macabuïn v'eh yn blod s'geyre
Macabuïn, Macabuïn v'eh yn blod s'aaley

Oddagh eh gearrey trooid claghyn
Oddagh eh gearrey trooid meain
Oddagh eh gearrey trooid crackan
Oddagh eh cosney dy beayn

Agh vel yn bree er'n ve mooghit?
Agh vel yn los-sag ersooyl
Agh vel yn poar er ve cailt
C'raad ta dty niart Macabuïn?

Macabuïn, Macabuïn, v'eh yn cliwe s'niartal